

**1867-1917 ЙИЛЛАРГА ОИД АРХИВ ХУЖЖАТЛАРИДА
МАРКАЗИЙ ОСИЁ ХАЛҚЛАРИ ЭТНОГРАФИК
МАЪЛУМОТЛАРНИНГ АКС ЭТИШИ**

Анвар Соатович Шосаидов

Тадқиқотчи, ўқитувчи

Тошкент давлат шарқишунослик университети

E-mail: anvar.shosaidov1988@gmail.com

Аннотатсия: Мақолада 1867-1917 йилларга оид Ўзбекистон республикаси “Миллий архивида” сақланаётган Марказий Осиё халқларига оид этнографик маълумотларнинг акс этиши ўрганилади. Шунингдек архив хужжатларида Марказий Осиё халқларининг этнотарихий жараёнлари очиб берилган.

Калит сўзлар: Марказий Осиё, Миллий архив, Туркистон, вақф хужжатлари, қушбеги.

**REFLECTION OF ETHNOGRAPHIC DATA OF CENTRAL ASIAN
PEOPLE IN ARCHIVE DOCUMENTS FROM 1867-1917**

Anvar Soatovich Shosaidov

Teacher,

Tashkent State University of Oriental Studies

E-mail: anvar.shosaidov1988@gmail.com

Abstract: The article examines the reflection of ethnographic information about the peoples of Central Asia stored in the “National Archive” of the Republic of Uzbekistan for the years 1867-1917. Also, the ethnohistorical processes of the peoples of Central Asia are revealed in the archival documents.

Keywords: Central Asia, National Archives, Turkestan, foundation documents, Qushbegi.

**ОТРАЖЕНИЕ ЭТНОГРАФИЧЕСКИХ ДАННЫХ НАРОДОВ
СРЕДНЕЙ АЗИИ В АРХИВНЫХ ДОКУМЕНТАХ 1867-1917 ГГ**

Анвар Соатович Шосаидов

преподаватель,

Ташкентский государственный университет востоковедения

E-mail: anvar.shosaidov1988@gmail.com

Аннотация: В статье рассматривается отражение этнографических сведений о народах Средней Азии, хранящихся в «Национальном архиве» Республики Узбекистан за 1867-1917 годы. Также в архивных документах раскрываются этноисторические процессы народов Средней Азии.

Ключевые слова: Средняя Азия, Национальный архив, Туркестан, учредительные документы, Кушбеги.

КИРИШ.

Ўрта асрлар охирларига келиб сиёсий жиҳатдан бир неча сиёсий уюшмалар – хонликлар ва бекликларга бўлиниб кетган Туркистон замини кейинчалик ана шу бўлинишларнинг оқибати ўлароқ бир қатор ижтимоий-сисий ва этномаданий жараёнларга гувоҳ бўлди. Айниқса, Хива хонлиги, Бухоро амирлиги, Қўқон хонлиги, қозоқ хонликлари ва жузлари ва ҳ.к.лар кейинчалик мазкур ҳудудларда анъанавий қадриятларнинг ўзгаришга учрашига сабаб бўлди. Бу ҳолат ўша даврда мазкур хонликлар ҳудудида яратилган ҳужжатларда ҳам ўз тасдиғини топган.

Ушбу хонликлар даврида ёзилган ҳужжатлар ўша пайтдаёқ махсус биноларда – кушбеги ва девонбеги қароргоҳларида, саройлар ва девонхоналарда, қози ва турли диний-маъмурий идораларда сақланиб келган. Кейинчалик, яъни Туркистон Чор Россияси томонидан босиб олингач, мазкур архивлар янги истилочи маъмурлар томонидан тўплана бошлаган.

Ушбу мақолани ёзишда: Тарихий хронологик, қиёсий таққослаш ва тарихий ҳужжатлар билан ишлаш усулларида фойдаланилди.

АСОСИЙ ҚИСМ.

Октябрь тўнтаришлардан сўнг архив ишилари ривожланиши биров секинлашди. Маълумки, Марказий Осиё ҳудуди қадим тарихга эга бўлиб, маданий цивилизация ўчоқларидан бири ҳисобланади. Марказий Осиёнинг тарихий маданий меросга бойлиги, аجدодларимиздан қолган асори – атиқалар XX аср бошларида дунё ҳамжамиятида ном чиқарган тарихчи олимларнинг диққат марказида бўлди. 1873 йил 5 октябрда А. Кун Туркистон генерал – губернатори фон Кауфманга хат жўнатиб, ўлкадаги архив ҳужжатлари жуда қимматлигини такидлайди¹. Октябрь воқеаларига қадар ҳам архив ҳужжатлари билан ишлаш ундаги маҳаллий аҳолининг тарихи, ўтмиши билан боғлиқ бўлган жуда кўп маълумотларни ўрганиш давом этган эди².

Бизга маълумки, араб босқини даврида, Сўғд ҳукмдорлардан бўлмиш Деваштичнинг VIII асрда ҳам архив ҳужжатлари мавжуд бўлган. Ушбу ҳужжат бизга қадар етиб келган бўлиб, ушбу даврнинг ўрганувчи тарихчилар томонидан изчил ўрганилган³. X асрда Бухорода Сомонийлар ҳукмронлиги даврида ҳам девонга тегишли ҳужжатлар, қўлёзмалар ва қимматбаҳо пул бирликлари билан биргаликда ғазнада сақланган⁴.

XIII асрда мўғулларнинг босқини билан алоқадор девон ҳужжатлари ҳам бизнинг даврга қадар қисман етиб келган.

Таъкидлаш жоизки, хонликлар давридаги бекликлар, амлоклар ва бошқалар орасидаги маъмурий ёзишмаларга алоқадор архив

¹ ЎзР МА. И-125 фонд, 2-рўйхат, 138-йиғма жилд, 195-варақ.

² ЎзР МА. И 125-фонд, 2-рўйхат, 4-йиғма жилд, 29-варақ.

³ ЎзР МА. И 126-фонд, 2-рўйхат, 1885-йиғма жилд, 77-варақ.

⁴ ЎзР МА. И 126-фонд, 2-рўйхат, 1881-йиғма жилд, 1-варақ.

хужжатлари Туркистонда ўз ҳокимиятини ўрнатган Чор Россияси маъмурлари томонидан тўплана бошлаган⁵.

Ҳар бир хужжатга жавобгар маъсул шахс, яъни девон мирзоси томонидан имзосини қўйилгандан сўнг амирлик муҳри қўйилган. Кўп ҳолларда жўнатиладиган хужжатлар рақамланмаган⁶.

Бундай хужжатлар рўйхатга ҳам киритилмаганидек, нусха олиш анъанаси ҳам мавжуд бўлмаган. Қабул қилинган хужжатларнинг аксарияти маълум вақтга қадар сақланган. Беихтиёр равишда девондаги хужжатлар иш юритувчи томонидан сақлаб қолинган⁷.

Ушбу мавзуни ёритиш мобайнида Бухоро қушбегиси хужжатлари, Хива ҳамда Қўқон хонлигининг архив хужжатлари, вақфномалар, ижтмоий-сиёсий аҳамиятга эга хужжатлардаги қизиқарли маълумотлар ҳар бир тадқиқотчини ўзига жалб қила олишига гувоҳ бўлди⁸.

Чор Россиясининг Ўрта Осиёга тижорат баҳонасида, эгзотика излаб келган сайёҳлари, шарқшунослари Бухоро ва Хива шаҳарларида бўлиб, Осиё музейи учун XII-XIII асрлар тарихидан ҳикоя қилувчи ноёб қўлёзма ва босма китобларни қўлга киритадилар. Масалан, петербурглик шарқшунос олим А. Н. Самойлович 1902, 1906, 1908 ва 1916 йиллари Туркистонга сафар қилиб, кўпгина қўлёзма китоблар, этнографик ёдгорликлар ва қимматбаҳо тангаларни ўз ватанига олиб кетади. Рус Шарқшуносларидан яна бири В.А. Иванов 1915-1916 йилларда Бухорода икки маротаба бўлиб, 1057 жилддан иборат араб, форс-тожик ва туркий тилларда ёзилган нодир китобларни Петербургдаги Осиё музейига олиб бориб топширади.

⁵ ЎзР МА. И 126-фонд, 2-рўйхат, 1885-йиғма жилд, 71-варақ.

⁶ ЎзР МА. И 125-фонд, 2-рўйхат, 4-йиғма жилд, 29-варақ.

⁷ ЎзР МА. И 20-фонд, 20-рўйхат, 6785-йиғма жилд, 2-варақ.

⁸ ЎзР МА. И 1009-фонд, 1-рўйхат, 67-йиғма жилд, 29-варақ.

Хонлик ва амирликка оид ёрликлар турли маҳаллий аҳоли томонидан шикоятлар, ер тақсимооти борасидаги ёзишмалар нуфузли шахсларда бўлган ёки улар ихтиёрига бериб қўйилган. Кўчирмаси девонда сақланган. Ушбу ҳужжатлар яна этнографик маълумотларнинг акс этиши кузатиш мумкин. В.Л.Вяткинни маълумотларига қараганда “ғазнада ёзишмалар билан боғлиқ ҳужжатлар кўп бўлмаган. Баъзи ҳужжатлар қози олдида оғзаки ечимини топган. Муҳим деб ҳисобланган оила никоҳ шартномалари, ерни сотиш ёки сотиб олиш, мерос билан боғлиқ ҳужжатлар эса кўп ҳолларда учрайди ва улар албатта рўйхатга олинган”.

Даставвал 1832 йилда Бухорода бўлган «Ост-Шерил» компаниясининг вакили А. Бернс томонидан унинг дастлабки қўлёзма нусхаси олиб кетилди. Сўнгра 1841 йилда Россиядан Бухоро хонлигига юборилган К. Бушеев бошлиқ миссиянинг иттифоқчиси Н. Хаников, 1858 йилда Хива ва Бухоро шаҳарларида бўлган Н. Игнатъев миссиясининг аъзоси шарқшунос П. Лере томонидан «Бухоро тарихи» китобининг тўртта қўлёзма нусхаси Санкт-Петербургга олиб кетилади.

Хива хонлигининг архив ҳужжатлари кўп қисми рус мансабдорлари ва олдин хонлик хизматида бўлган амалдорлар қўлида сақланган. Кейинчалик эса маҳаллий аҳолининг қўлида сақланиб қолган қимматбаҳо архив ҳужжатлари музейлар экспонатларига ва кутубхоналарга топширилган. Маълум қисми эса мўмайгина даромад учун чет эл фуқароларига сотиб юборилган. Ушбу шахслар эса ўзларининг кутубхоналарини бойитишган⁹.

Архив ҳужжатлари билан боғлиқ қимматбаҳо қийматга эга бўлган воқеа ҳодисалардан маълумот берувчи маълумотлар йиғилган

⁹ ЎзР МА. И 1-фонд, 20-рўйхат, 6785-йиғма жилд, 29-варак.

кутубхона ҳам мавжуд бўлган. Кутубхонада ҳаттоки Қадимги Хоразмга талукли қўлёзмалар ҳам бўлган. Бухорода XV асрларда шайх Муҳаммад Порсо томонидан ташкил этилган кутубхона фаолият юритган¹⁰.

Бухородаги иккинчи кутубхона эса XVII асрда аштархоний хонларидан бўлган Субҳонқулихон томонидан ташкил этилган. Кўпгина ҳужжатлар Бухоро, Самарқанд, Хива ва бошқа шаҳар мадрасаларида ҳам сақланган. Хива хони, Қўқон хони ва Бухоро амирларнинг шахсий кутубхоналарида қадимдан сақланган қўлёзмалар сақланган.

“Туркестанские ведомости” маълумотларига муофиқ 1873 йилда Хива хонлигига рус қўшинларининг юришда иштирок этган шарқшунос олимлардан А.Л. Кун хонликда сақланиб келган 300 га яқин шарқ қўлёзмаларини, турли хилдаги ҳужжатларни, хонликнинг даромад кирди-чикдиси дафтари ҳужжатларини, дипломатик алоқалар билан боғлиқ ҳужжатларни, вақф ва мулк билан боғлиқ қимматбаҳо маълумотлар келтирилган ҳужжатларни Подшоҳ ҳукумати фойдасига мусодара қилишда иштирок этади. Архив ва кутубхоналарни кўздан кечириб улардаги ҳужжатларни Россия фанлар Академиясининг Осиё музейига, қолганларини эса Туркистоннинг генерал - губернатори фон Кауфман императорга ошкора сақланадиган Санкт – Петербург кутубхонасига совға қилди¹¹.

1936 йил шарқшунос П.И.Иванов Салтыков – Шедрин номидаги давлат кутубхонасида қўлёзмаларни таржима қилаётган пайтда, ўзбек тилидаги Хива хонлиги архив ҳужжатида тегишли экани кўзга ташланади. Изланишлар пайтида аксарият ҳужжатлар Қўқон хонлиги архив ҳужжатларига тегишлилари ҳам бор эди. П.И.Иванов

¹⁰ ЎзР МА. И 126-фонд, 2-рўйхат, 1886-йиғма жилд, 29-варақ.

¹¹ ЎзР МА. И 1-фонд, 20-рўйхат, 6785-йиғма жилд.

томонидан 120 га яқин дафтар шаклидаги ҳужжатлар топилади. Ҳужжатлар 1822 йилдан 1872 йилга қадар эканлиги аниқланади

Фактик маълумотларга таянган ҳолда Хивадан олиб кетилган ҳужжатларда орасида Қўқон хонлигига тегишли архив ҳужжатлари деярли учрамаслиги аниқланди. В.Л.Вяткин – шарқ қўлёзмалари бўйича мутахассис бўлиб, шуни маълум қиладики, Қўқон хонлигида девон ишлари деярли олиб борилмаган, архив ҳужжатлари ҳам деярли топилмайди¹². Бироқ В.Л. Вяткиннинг фикри акси ўлароқ ўша даврдаги нашриёт чиқарган матбуот маълумотлари бу фикрни инкор этади. Аммо 1875 йил 7 феврал Қўқонда рус қўшинлари томонидан эгалланиши арафасида хонликда архив ҳужжатлари дафтар шаклида бўлганлиги, дафтарларда эса бир неча таноб ерни культивация қилганлиги ҳақида маълумот борлиги ва уларнинг кўп қисми ёқиб юборилганлиги маълум.

Қўқон хонлиги архив ҳужжатлари тақдири масаласига А.А.Семёнов ҳам мурожат қилган бўлиб, унинг маълумотлари В.Л. Вяткин маълумотларидан фарқ қилади. Маълумотларга қараганда “архив ҳужжатлари Қўқон хони Худоёрхон кутубхонасида сақланган бўлиб, бойликларни айнан шу хоннинг ўзи 100 аробада узоққа Тошкентга олиб кетган, лекин йўлда Пўлатхоннинг ҳужумидан сўнг бу бойликларнинг ҳаммаси тортиб олинган¹³”

В.Л. Вяткинни ёзишича, Тошкент шаҳридан олиб кетилган кутубхонадаги шарқ қўлёзмаларини “фон Кауфман Петербургга совға тариқасида жўнатган¹⁴” Кейинчалик бу қўлёзмалар тарихчи олим П.И. Иванов томонидан 1936 йил Ленинград кутубхонасида топиб ўрганилган.

¹² ЎзР МА. И 399-фонд, 1-рўйхат, 71-йиғма жилд, 3-4-варақлар.

¹³ ЎзР МА. И 399-фонд, 1-рўйхат, 71-йиғма жилд, 3-варақ.

¹⁴ ЎзР МА. И 1-фонд, 20-рўйхат, 6785-йиғма жилд, 29-варақ.

Бухоро амирлари архив ҳужжатлари борасида маълумот йўқ эди. 1921 йилнинг декабрь ойларида Бухоро амирининг бир кўздан йироқдаги кутилмаган бир ертўладан архив ҳужжатлари топилган. Бу топилган ҳужжатлар ўралган ҳолда тартибсиз сақланган. Кўп ҳоллардаги ушбу ҳужжатлар форс-тожик тилида ёзилганлиги аниқланган.

XIX асрнинг иккинчи ярмида Марказий Осиёда подшоҳ Россияси ҳукумронлиги ўрнатилиб, Тошкентда Туркистон генерал-губернаторлиги ўрнатилиб, девон ишга тушади. Ўлкада маъмурий ва ҳудудий ташкилотлар ўз ишини бошлайди. Туркистонда ўша даврда архив иши яхши ишга қўйилмайди, қўйилган тақдирда ҳам у жуда яхши иш олиб бормади.

Шундан сўнг Туркистон ўлкасида архив ишлари ва девон ишларини йўлга қўйиш борасида Туркистон генерал-губернатори фон Кауфман девонлар ҳамда архив ҳужжатлари учун бинолар қуришга буйруқ беради¹⁵.

Туркистон ўлкасидаги архив ишлари жуда аянчли ҳолда бўлган бўлиб, бу борада ўша давр тарихчилардан бўлмиш А.И.Добромыслов шундай дейди: “Маҳаллий архивлар кундан-кунга мавқеи йўқолаётганлиги, генерал-губернатор шаҳардаги девон архив ҳужжатларидаги аҳвол эса биров яхши” эканлигини такидлайди. Октябрь воқеаларига қадар эса Марказий Осиёдаги қўлёзмалар, архив ҳужжатлари борасидаги маҳаллий олимлар томонидан ўрганилган¹⁶. Бунга мисол тариқасида 1895 йил Тошкентда Туркистон археологияси тўғараги ўз ишини бошлаганлиги ва ўша даврнинг бир қанча шарқшунос олимларини ўзига жалб қилганлигини ҳам такидлаш лозим.

¹⁵ ЎзР МА И 1-фонд, 16-рўйхат, 689-йиғма жилд, 2-варақ.

¹⁶ ЎзР МА И 126-фонд, 2-рўйхат, 1883-йиғма жилд, 9-варақ.

Шуни такидлаш лозимки, 1865-1917 йилларда Марказий Осиё худудида маҳаллий ҳамда марказий архивларида ва музейларда 3000 мингга яқин шарқ қўлёзмалари топилди. Булар орасида: Муҳаммад Наршахийнинг “Тарихи Бухоро”, Муҳаммад Солиҳнинг “Шайбонийнома”, Абулғози Баҳодирхоннинг “Шажараи турк”, Гиёсиддин Али Яздийнинг “Темурнинг Ҳиндистонга юришлари” ва шунга ўхшаш қўлёзмалар топилиб ўрганилди¹⁷.

Маълумки, бу пайтда Туркистон минтақаси XX аср бошларида учта сиёсий бирлик: Туркистон генерал-губернаторлиги, Бухоро амирлиги ва Хива хонлиги худудларидан иборат эди. Туркистон генерал-губернаторлиги ёхуд Туркистон ўлкаси Россия империяси таркибига кирган бўлса, Бухоро амирлиги ва Хива хонлиги Россияга қарам бўлган ярим мустақил давлатлар эди

Туркистон генерал-губернаторлигининг умумий майдони XX аср бошларида 1.738.918 км² ни ташкил этган. Аҳоли сони 1897 йилга биринчи Бутунроссия аҳолини рўйхатга олишнинг тўла бўлмаган маълумотларига кўра, 5.280.983 кишидан иборат бўлган. Россия статистик бошқармасининг 1914 йилда тўлмаган маълумотларига кўра, бу кўрсаткич 6.492.692 кишига етган. Туркистон аҳолисининг умумий миқдорида ўзбеклар, қozoқлар, қирғизлар, тожиклар, туркманлар, қорақалпоқлар кўпчиликти ташкил этганлар. Уларнинг миқдори 1897 йилда – 4.986.324, 1914 йилда – 5.941.604 кишидан иборат бўлган¹⁸.

Славян аҳолиси (руслар, украинлар, белоруслар)нинг сони 1897 йилда – 197.240, 1914 йилда – 406.607 кишини ташкил этган. Бундан ташқари, Туркистон аҳолисининг этник таркибида бошқа халқлар ҳам мавжуд бўлган. Подшо Россияси Туркистондаги хонликлар

¹⁷ ЎзР МА И 126-фонд, 1-рўйхат, 1881-йиғма жилд, 1-варақ.

¹⁸ ЎзР МА И 126-фонд, 1-рўйхат, 1015-йиғма жилд, 5-6-варақ.

худудининг катта қисмини босиб олгач, табиий ресурсларга ниҳоятда бой ўлкага эга бўлди. Туркистон ўлкаси област (вилоят), уезд, волост (бўлис), участка ва оқсоқолликларга бўлиниб бошқарилди. Туркистон генерал-губернатори бир вақтнинг ўзида Россия подшоси ноиби (ярим подшо), харбий округ қўшинлари қўмондони, бош прокурор ва бош миршаб эди. У Бухоро амири фаолиятини Россия империясининг Бухородаги сиёсий агентлиги (1885–1917 йй.), Хива хонини эса Амударё бўлими бошлиғи (1873–1918) орқали назорат қилиб турган. Туркистон ўлкаси Сирдарё, Фарғона, Самарқанд, Ёттисув (Семиречье), Каспий-орти (Закаспий) вилоятлари ҳамда Амударё бўлимига бўлинган эди. Вилоятлар оқ подшо тайинлаган харбий губернаторлар томонидан бошқарилар эди¹⁹.

Сирдарё вилояти Тошкент, Авлиё ота, Қазали, Перовск, Чимкент; Фарғона вилояти Марғилон, Андижон, Қўқон, Наманган, Ўш; Самарқанд вилояти Жиззах, Каттақўрғон, Хўжанд, Самарқанд; Ёттисув вилояти Верний, Жаркент, Копал, Лепсинск, Пишпак, Пржевальск²⁰;

Каспийорти вилояти Ашхобод, Красноводск, Манғишлоқ, Марв, Тажан каби уездларга бўлинган.

Бунгача хонликларнинг ўз маҳаллий бошқарув тизими мавжуд бўлиб, улар сўнгги асрларгача сақланиб қолади. Бухоро амирлигидаги бошқарув аппаратида анъанавий ҳокимият пиллапоysi мавжуд бўлиб, унга мувофиқ баҳодир, мирзабоши, жебачи, қоравулбеги, мирохўр, тўқсабо, ишкорбоши, бий (бек), додхоҳ, парвоначи, девонбеги, оталиқ, кушбеги каби лавозимлар бўлган.

МУҲОКАМА.

¹⁹ ЎзР МА И 18-фонд, 1-рўйхат, 1885-ййғма жилд, 102-варак.

²⁰ ЎзР МА И 17-фонд, 1-рўйхат, 1883-ййғма жилд, 200-варак.

XX asr бошларида Туркистон ўлкасида мустамлакачилик ва улўф миллатчиликка асосланган сиёсий-маъмурий тизим ҳукм сурган. Россия ҳукумати ўзбек ва бошқа туб халқларга сиёсий ва инсоний ҳуқуқлар беришни хаёлига ҳам келтирмаган. Россия матбуоти ва илмий асарларида Туркистон ўлкаси очикдан – очик «Россия мустамлакаси» номи билан изоҳланган. Хатто аҳвол шу даражага бориб етганки «Русский Туркестан» («Рус Туркистони») атамасини ишлатиш одат тусига айланди. Шунингдек, туб халқлар, ўзбеклар, қозоқлар деб асл номлари билан эмас, балки «инородец» («бегонезот»), туземец («ерли аҳоли») деб юритилган. Мустақилликнинг йўқотилиши, сиёсий хавфсизлик ва адолатсизлик, бутун жамият аҳолини Россия давлатига қарши кучли муҳолифатга айлантирди. Уларнинг орасида туб халқлар юқори табақаларининг илғор вакиллари ҳам бўлиб, озодлик ғоялари борган сари куч – қувватга тўлиб борди. Бу илғор кейинчалик жаидлар сиёсий фаолиятининг асосини ташкил қилди.

XX asr бошларида Бухоро амирини ҳудуди 225 000 км² ни ташкил этган. Амирлик ҳудуди бу пайтда 28 та беклик, пойтахт Бухоро атрофлари эса 9 та туман, улар ўз навбатида 125 та амлоқдорликка ва 10 000 дан ортиқ оқсоқолликларга бўлинган. Пойтахт атрофидаги туманлар ва Бухоро шаҳрини амир номидан қушбеги – Бош Вазир бошқарган. Бу маъмурий бўлиниш фуқарога яхшироқ хизмат кўрсатиш ишини ҳам унчалик қондирмас эди. Бухоро аҳолиси кўп миллатли эди. Уларнинг миқдори тахминан 2–2,5 млн. киши бўлган. Бу ерда ўзбеклар, тожиклар, туркманлар, қозоқлар, қирғизлар, қорақалпоқлар, бухоро яҳудийлари, форслар ва араблар истиқомат қилар эди. Амирликда аҳолининг кўпчилиги – 1,5 млн. кишини ўзбеклар ташкил этган. Мамлакат аҳолисининг асосий қисми

деҳқонлар, чорвадорлар ва шаҳар ҳунармандлар (косиблар)дан иборат бўлган.

ХУЛОСА.

Ўзбекистон Республикаси Милий архив фондларидаги ҳужжатларда этнографик маълумотларнинг акс этиши масаласини ўрганилган ҳужжатлар таҳлили натижасида қуйидагича хулосаларга келинди.

Ўзбекистон Республикаси Милий архивида сақланаётган ҳужжатлардан мавзуимиз доирасида тадқиқ этилган асосий қисми сўнгги ўрта асрларга, яъни Хива, Бухоро ва Қўқон хонликлари даврига тўғри келади. Ҳужжатлар ўз мазмунига кўра, олди-сотди, солиқ, вақфнома, ажрим, васиқа, никоҳ, хат-хабар, тилхат, шикоят хати, аризалардан иборатдир.

Архив материалларида, XX аср бошларида Туркистонда ўша давр учун янги маданиятлар яъни бошқа этносларни кириб келиши ҳамда маҳаллий аҳоли билан кейинчалик қоришиб кетиши ҳақида ҳам маълумотлар берилиб ўтилади. Архив ҳужжатларида рус-тузем мактаблари ва бошқа рус тилидаги таълим масканлари фаолияти ҳамда бир пайтнинг ўзида маҳаллий аҳолини асарлар мобайнида таҳсил олган мадрасалар фаолияти ҳақида қимматли маълумотлар берилади.

АДАБИЁТЛАР. REFERENCES. ЛИТЕРАТУРА

1. ЎзР МА. И-125 фонд, 2-рўйхат, 138-йиғма жилд, 195 varaқ.
2. ЎзР МА. И 125-фонд, 2-рўйхат, 4-йиғма жилд, 29-varaқ.
3. ЎзР МА. И 126-фонд, 2-рўйхат, 1885-йиғма жилд, 77-varaқ.
4. ЎзР МА. И 126-фонд, 2-рўйхат, 1881-йиғма жилд, 1-varaқ.
5. ЎзР МА. И 126-фонд, 2-рўйхат, 1885-йиғма жилд, 71-varaқ.
6. ЎзР МА. И 125-фонд, 2-рўйхат, 4-йиғма жилд, 29-varaқ.
7. ЎзР МА. И 20-фонд, 20-рўйхат, 6785-йиғма жилд, 2-varaқ.
8. ЎзР МА. И 1009-фонд, 1-рўйхат, 67-йиғма жилд, 29-varaқ.
9. ЎзР МА. И 1-фонд, 20-рўйхат, 6785-йиғма жилд, 29-varaқ.
10. ЎзР МА. И 126-фонд, 2-рўйхат, 1886-йиғма жилд, 29-varaқ.

11. ЎзР МА. И 1-фонд, 20-рўйхат, 6785-йиғма жилд
11. ЎзР МА. И 399-фонд, 1-рўйхат, 71-йиғма жилд, 3-4-варақлар.
12. ЎзР МА. И 399-фонд, 1-рўйхат, 71-йиғма жилд, 3-варақ.
13. ЎзР МА. И 1-фонд, 20-рўйхат, 6785-йиғма жилд, 29-варақ.
14. ЎзР МА И 1-фонд, 16-рўйхат, 689-йиғма жилд, 2-варақ.
15. ЎзР МА И 126-фонд, 2-рўйхат, 1883-йиғма жилд, 9-варақ.
16. ЎзР МА И 126-фонд, 1-рўйхат, 1015-йиғма жилд, 5-6-варақ
17. ЎзР МА И 18-фонд, 1-рўйхат, 1885-йиғма жилд, 102-варақ.
18. ЎзР МА И 17-фонд, 1-рўйхат, 1883-йиғма жилд, 200-варақ